

آبونه شرائطی

ممالك عثمانیه ده سنه لکی (۶۵) ، التي
آبانی (۳۵) غروشدر .
ممالك اجنبیه ده سنه لکی (۱۷) ، التي
آبانی (۹) فرانقادر .

اداره خانه

باب عالی چاده سنده اورخان بك خائنده
نومرو ۲۳-۲۶

اخطارات

آبونه بدلی پشیددر .

§

مسلكه موافق آثار مع الممنونیه قبول
اولنور . درج ایدیلمه یین یازیلر
اعاده اولوعاز .

الکشاف

۱۳۳۰ ۱۳۳۱ ۱۳۳۲

اخطارات

رساله مزدن آندیقنی کوه ترمك شرطيله
یتون یازیلر هر هانکی بر غزته طرفندن
اقتباس اولونه ییندر .

§

مکتوبلرک ، امضاترک واضح و
ارقوناقلی اولمسی و آتونه صره
نومروسنی محتوی پولونمسی لازمددر .

§

ممالك اجنبیه بچون آبونه اولانلرک
آدرسارینک فراموش نه ده یازلمسی
رچا اولنور .

§

یاره کوندرلدیکی زمان نه یه دائر ولدیفنک
واضحاً بیلدیرلمسی رچا اولنور .

اتبعون اهدکم سبیل الرشاد

دینی، علمی، ادبی، سیاسی هفته لوق مجموعه اسلامیه در

والله یهدی من یشاء الی صراط مستقیم

صاحب و مدیر مسئول : ع . اشرف ادیب

۱۲ ربیع الآخر ۱۳۳۱ پنجشنبه ۷ مارت ۱۳۲۹

عدد ۲۳۶

جلد ۱۰

نه وظیفه م

وظیفه سزلك، وظیفه به قارشی مبالا تسزلق، وجود ایچنده مفلوج، بی روح بر عضویت دیمکدر، که به قانی اویله هائل پروارلقدن اهنودر. سن بونجیع حقیقتی حساً اکلماق ایسترسهك مفلوج قوایی بویله باغلابه رقی طاشیمقه اولان بر بدبختی کور و حال فلاکت مائی کنیدیسندن صور! ایشته وظیفه سز بر آدمک ده هیئت اجتماعیه ارانسدکی موقع عضویتی عینله بویله در. اوتمال عطالتی، او هیکل مسکنتی وجود جمعیت بر میت ذی روح کبی بهوده یره طاشیر طوریر. انسانیتك بوتون شمولیله معنای کالی، مدیتك بوتون احتشام علویته شعشمه نظر فریب جمالی اولان اسلامیتك بوتون وظائف حیاتیتهك روحی اولدیغنی سوبلر سهم نشر انوار وضوحده کونشدن پارلاق بر حقیقت افاده ایتمش اولورم.

باقیکز، [*] مفخر الانصار والمهاجرین، یار غار پیغمبری جناب صدیق اعظم (رضی الله تعالی عنه) ک امامتی تعظیم، وظیفه بی تفخیم امرندکی علو روحنه، عظمت وجداننه: بر کون بر باغچه کیرر؛ اغا جلدن بری اوزرنده بر قومی کورور. اعماق روحندن قویان دلخراش بر آم. ایله قومی به خطاباً شو سوزلری سوبلر: «طوبی لك یاطیر! تأکل من الشجر وتستظل بالشجر وتصیر الی غیر حساب. یالیت ابابکر مثلك! = نه موطلو سکا ای قوش! اغا جدن رزقکی یر، آنکله کولکه لئیرسك. عمرک بیتجه کیده جکک یردهده وظائف حیاتیته کدن سؤال و حساب، عقاب اندیشه سنی نچکمزسك. کاشکی ابو بکرده سنك کبی افعالنندن غیر مسئول بر قوش اولایدی! = ینه اور روح معظمدن - اندیشه وظیفه ایله - قویان اینلردن: «وددت انی حضرة تأکلی الدواب. = ایستدم، که یشیل (اوت) اوله یمده بنمله حیوانلر غدالسنین! =

حضرت فاروق اعظمده: «یالیتی کنت هذه التبة! یالیتی لم اک شیاً! لیت امی لم تلدن! = کاشکی شو قورو بغدادی صانی بن اولایدم! کاشکی هیچ بر شی اولماسایدم! کاشکی انام بی دوغورما. سایدی! «فرادلری وجدان انسانیتی تیرمه تیر. بو خرد سوز تمیلر، بو جان شکاف فریادلر نه دن؟ نچین وجودلرندن پشیان اولیورلر؟ نه دن وارقلرندن شکایتلر ایدیورلر؟ بونلرده انساندی؛ بونلردهده نفس بشریت واردی. احتراصات بشریه، انفعالات نفسانیه بونلردهده هجوم ایدیور، حکمنه رام ایتمهک، سریر بالای انسانیتدن بو جهان طبیعتك زمین بهیمینه سور و کلیوب کوتورمهک، اوتلامغه بوتون قوتیه چالیشیوردی.

فقط بونلرده مایه انسانیت، صفی، جوهر عقل تابدار، روح بیدار ایدی. بونلر محرم سرا پرده انسانیت، بونلر واقف اسرار خلقت، بونلر برر کنجینه معرفت، برر خزینه فضیلت ایدی.

[*] تاریخ الحفلاالایوطی.

تهاجمات نفسانیه بو انسان کاملک ان یتزلزل عنزم مجاهده کارانه لری نوننده ساحله چارپوبده یوزبیک پارچه اولان دکنز دالغه لری تنظیر ایدیوردی.

ایشته بو علوی سیالک چرکاب مساوی، منخرقات رذائلدن مصون قالان ناصیه درخشان انسانیتلری! دنیا انسان ایله دولو؛ فقط عارف اسرار فطرت، آشنای وظیفه خلقت او محشر بشریت ایچنده پک آز.

حضرت قرآن حکیمک شو: «لقد خلقنا الانسان فی احسن تقویم؛ ثم ردناه اسفل سافین الا الذین آمنو وعملوا الصالحات...» شان عظمت و کبریا مزه قسم، که بز نوع انسانی احسن تقویم اوزرینه یاراندق؛ تاج خلافتله تجیل و تکریم ایتدک. صو کرا - حکمت ازلیه. مزک مقتضای اوله رق - اسفل سافین حیوانیه رد و انزال ایتدک. افراد انسان او خضیض بهیمیتده شهوات نفسانیه لرینه محکوم، طول املرینه اسیر اوله رق قالدیلر. یالکیز انسانقلرینی ادراک، وظیفه خلقتلرینی تقدیر ایله عهد لرینه وفای ایمان ایدن، مکارم اخلاق و محاسن افعال ایله او خضیض بهیمیتدن سریر بالای انسانیه یو کسله رک مشار بالبنان اولانلر مستثنا. «آیات جلیله سی بو حقیقتی نه کوزل تصویر ایدیور!

صدر اسلامی تشکیل ایدن قرون ثلثه مادر انسانیتك بویله بیکلرجه اولاد کاملرینه مهد وجود اولقله کرچکدن بختیاردر. مثلاً: سلطان المجتهدین امام اعظم حضرتلری... اونه علوی ناصیه انسانیت! اونه درخشان رخسار اسلامیت! اونه کنجینه فضیلت! اونه خزینه حکمت!

اصول فقه کبی مفتاح قرآن وسنت اولان حکمت حقوق اسلام بو کعبه عرفانک میزاب ز کاسندن خروشان اوله رق قوجه بر دریای فقه وجوده کتیریور. معیشتی نامنه بیت المالدن بر پاره آلمق شویله دورسون آلامق وظیفهك نه قدر تحملکداز بر یوک اولدیغنی اکلتمق ایچین - انجق قامت عرفان پناهه مشتاق اولان - رداء قاضی القضائی حیاتی بهاسنه رد ایدیور. ابو جعفر المنصور کبی سریر استبداد و تجبرکده فوقه چیمغه چالیشان بر خلیفه ذره قدر بویون بو کمدنسه دایاق آلتنده شهادتی بر سعادت، بر نعمت بیفور. (علیه سحائب الرحمة والغفران)

امام شافعی حضرتلری مکة مکرمهده وجدان سوز بر ضرورت ایچنده بو غولورکن برزنکینک حین وفانده بیت الهی اقیاء مجاورینندن برمناسبنه ویرلمک اوزره وصیت ایتدیکی جسیم بر مبلغی «بن متقی دکم. اللهدن قورقارم. اهلنی بولکیز و یریکیز! = دیه عرش استغسانه چکیلیور.

امان یارب! بونه علوی محویت! بونه زهادت! بونه ولایت! لباس تقوی اوقامت فضیلتده لایق کورلمزسه بو کاکیم لیاقت کوستره بیلیر؟

م. فخرالدین